



Qeqqata Kommunia

Ilinniartitaanermut Immikkoortortaq

Området for Uddannelse



Qeqqata Kommuniani meeraaqqeriviit, meeqqeriviit, angerlarsimaffinni
paarsisartunilu,
meeqqanut nappaatit tunillaannartut
pillugit malittarisassat.

Qeqqata Kommuniani meeraaqqerivinni / meeqqerivinni angerlarsimaffinni paarsisartuni,

ornittakkanilu meeqqanut
nappaatit tunillannartut pillugit malittarisassat

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarnermi nappaatit tuniluuttut pakkersimaarniarlugit iliuusissat pillugit Namminersorlutik Oqartussat nalunaarutaat nr. 5, 13.april 2010 – meersoq.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq:
§ 5. Imm. 5. Naalakkersuisut Nunatsinni Nakorsaaneq isumasioqatigalugu nappaatit tunillaassortut pinaveersaarnissaat pillugit malittarisassanik aalajangersaassapput.

Sillimaniarluni malittarisassat pilersinneqarnerannut siunertarisat:

Nappaatit ulorianartut inunnit tamanit atugarineqarsinnaasut tuniluutinnginnissaat pinaveersaartinneqarnissaat aammalu, Nappaatit tuniluuttut allat siaruarnissaat killilersimaarniarlugit.

Meeraaqqerivimmi, meeqqerivimmi angerlarsimaffinnilu paarsisuni meeqqap aallartinnerani angajoqqaat ilisimasariaqarpaat aammalu piareersimaffigisariaqarpaat, meeqqap ukiup affaa imaluunniit ukiup ataatsip ingerlanerani nappaatinik assigiinngitsunik tunillatsittarsinnaanera meeqqap nappaatinut nalinginnaasunut akiuussutissaqalersinnaanissaata tungaanut.

Nappaatinik tunillannartunik atuuttoqartillugu nalinginnaasumik sillimaniarluni malittarisassat. Meeqqat tunillannartumik nappaateqartut meeraaqqerivinni- meeqqerivinni kiisalu angerlarsimaffinni paarsisartuniitinneqarsinnaanngillat. Nappaatillu tunillannartut makku pineqarput:

Ajussat:



Meeqqat ajuartut imaluunniit assammikkut tinusoornillit aatsaat meeqqerivinnukaassinnaapput aseruuttoornerit mamereeraangata. Kimillanneq aappillersimappat, kissarpat, pullappat annernarpallu nakorsamit takutinneqartariaqarpoq.

Kilanneq:



Meeqqat seerisunik kilallit meeqqerivinniissinnaanngillat, aatsaat amianni qalipperneq panereersimappat. Meeraq kissarneqarpat kimillanneralu ammappat nakorsiuuttariaqarpoq.

Kuppeeqqat:



Meeqqat kuppeerartut meeqqerivinniissinnaanngillat, aatsaat amianni qalipperneq panereersimappat.

Timminneq:

Meeqqat timmiinnalersut, tassa imaappoq akunnerit pingasut-sisamat iluanni marluk-pingasoriarsimaguni, tassa ullormut arlaleriarlutik timmittartut aatsaat meeqqeriviliartinneqarsinnaapput meeqqap anaata pissusissamisuulerneratigut aammalu meeqqat peqqissereerneratigut.

Fnat / kumaat:

Meeqqat fnatertut, kumallit nakorsamit katsorsartinneq aallartereersimatillugu meeqqerivimmiileqqissinnaapput.

Mæslingerneq - Savarneq – Qimmeralanneq:

Meeqqap peqqissinerani kissarneqarunnaarsimatillugulu / napparsimaneranik malunnaataarussimappat meeqqeriviliaanneqarsinnaavoq.

Ilummoorneq, ilummoornermut makku pingaartumik malunniutaasarput:

Ilimagineqartarpoq ilummoornermik napparsimalernermit sapaatip akunneri arfinillit iluini navianartumik tunillaasoqarsinnaanera, quersortarnerlu sivilisunerusumik atugaasinnaasoq. Taamaattoq naammaginarinneqarpoq meeqqat meeqqerivimmiissinnaanerat, naak tunillaassuussinnaanera ilimagineqartarpoq, taamaakkaluartoq ilimagineqartarpoq meeqqat allat akiuussutissamik kapitereersimanissaat. Meerarli akulikittunik quersornera aammalu allanik ajornartorsiutaasinnaasunik pilersitsippat meeqqerivimmiissinnaanngilaq.

Siutikkut aseruuttoorneq / maqisoorneq:

Tassanngaannartumik / piujuaannartumik siullunnerit nakorsamit takuneqartariaqarput. Meeraq peqqissiguni /kissarneerukkuni meeqqerivimmiissinnaavoq. Taamaattorli meeraq nakorsaatitortinneqarpat annertuumillu sunniutaanngippat meeqqerivimmiissinnaavoq.

Aappaluarneq, toqqusaarlunnerlu:

Meeraq kissarneeruppat nakorsaatitortinneralu aallartereersimappat meeqqerivimmiissinnaavoq.

Isikkut aseruuttoorneq:



Virusit assigiinngitsut nakorsaatilersortariaqanngitsut soqutaanngitsumik qullilortitsisinnaasarlutillu serpilortitsisinnaasarput. Meeqqerivimmiissinnaapput. Sakkortunerusumik isikkut aseruuttoorneq takussutissaasut makkuusinnaapput marneq, isip aappilana pullanneralu. Isi ajoquteqanngitsooq aamma sunnertissinnaavoq. Taanna tuniluutiasuararsuuvoq nakorsarneqartariaqarlunilu. Meeraq meeqqerivimmiitinneqassanngilaq.

Unngut imallit:



Ammimi aseruuttoorneq, putugaangamilli tuniluussinnaasut. Akiuussutissat qaammaterpaalunnit ukiorpaalunnut pinggoriartarmata, imitalinnik unngullit **meeqqerivimmiissinnaapput.**

Qiteqgerineq – qaratsallu ameraasaanik aseruuttoorneq:

Meeraq peqqissippat aatsaat meeqqerivimmiissinnaavoq. Qiteqgerinermik tunillatsinnermi nakorsaaneq isumasiorneqassaaq meeqqerisarfimmut isumannaallisaaneq pillugu.

Nalinginnaasumik peqqissusaa sunnerneqarsimappat kissarneqarujussuarpallu meeraq nakorsamit takuneqartariaqarpoq.

Tassanngaannartumik Tingukkat sungarpallanneq:

Meeraq peqqissiguni meeqqerivimmiissinnaavoq. Taamaattoq nakorsaaneq isumasiorneqassaaq, meeqqerivimmi isumannaallisaaneq pillugu. Meeraq napparsimappat angerlartinnissaa siunertaralugu angajoqqaat kalerrinneqassapput.

Qanerlunneq:

Qanerlunnerit assigiinngitsut marluupput.



1. Qanerlunneq virusimik peqquteqarpoq. Nappaat kissarneqarnermik aallartittarpoq. Ullualunnguit kingorna qarnup iluani imertalinnik naasoqartarpoq. Kingornalu sigguup eqqaatigut qaserujuttunik/sungaarujuuttunik imertalinnik naasoqartarluni. Meeraq neriumajunnaarlunilu imerumajunnaartarpoq. Nappaat ullut qulit-14-it qaangiukkaangata nammineq aanngartarpoq. Meeraq imerumajunnaavissappat nukillaangalerlunilu piaartumik nakorsamut siarngutigineqassaaq. Meeraq peqqisseqqaartinnagu meeqqerivimmukaanqarsinnaanngilaq tuniluunnikkaarujuussugami.



2. Pullaqisut ammalortuusarlutillu ammaloqisaajusarput uteqqiasut, qarnullu ameraasaata qaavatigut kimillannerusarlutik sinaatigut aappillerneqartarlutik. Kimillannerit tamatigut anniartitsisarput, ingammik nerilluni. Taamatut aseruuttoortut kigutileriffimmut innersuunneqartarput.

Quartat:

Meeqqat quartaat itip aminnersaata avataanut ingerlasarput itillu ammanerani manniliortarlutik. Sunniutigisinnaasatuarivaa itip ammarngani ungillerineq. Inoqutigiit tamakkerlugit ataatsikkut nakorsaaitortinneqartariaqarput. Ilaqutariinni meeqqat quartalerneranni perusersartarfimmeereernerup kingorna ingerlaannartumik eqqiluisaarneq inoqutigiillu oqorutaannik errortarnerisigut.

Nerisassanik sapigaqarneq:

Inuit ilai nerisassanik aalajangersimasunik akuutissartalinnilluunniit nerigaangamik sapigaqarlutik qisuariaateqartarput. Nerisassaq sapigaq nerisimagaanni ersiutit takkussinnaasarput. Nerisassaq sapigaq nerinaveersaaraanni ersiutit aanngarsinnaapput annikillillutilluunniit, nerisassarlu nereqqikaanni takkuteqqissinnaasarlutik. **Nakorsaq nerisassat sapikkat assigiinngitsut pillugit nakorsap oqaaseqaataanik sananeq ajorpoq. Meeqqeriviup angajoqqaat meerartik nerisassanik sapigaqarneraraangassuk ataqqillugillu tatigisariaqarpai.**

Noqartarneq:

Noqartoqartillugu eqqissisimagit. Meeraq noqartillugu sannertillugu innartiguk, attuanaveersaassaaq (eqqissisimaneqassaaq attuaneqassanngilaq), anersaartorfissaqartilluassaaq. Tamatigit meeraq eqqissisaammik stesolid-imik pissamaateqartarpoq. Eqqissisaat Stesolid itimut mangunneqartarpoq. Angajoqqaat ilitersuisinnaapput qanoq eqqissisaatip Stesolid-ip mangunnissaanut. Oqqakkut imminut kiisoorsinnaaneq pinaveersaarniarlugu, meeqqat qarnginut sukujunnik oqummersitinneqassanngilaq.

Qaagukkut meeqqat tunillannartumik nappaateqalertarpat ?

Nalinginnaasumik meeraq sunnertissimappat, soorlu sorusussuseqarani, neriumanani imerumananilu meeraqatiminullu akulerukkusugani, kissarneqarluni (ullaakkut 37.5 qaangersimappagu) meriartarluni, nuallulluni, isiminik serpiliorujussuarluni, kakkilertarujussuarluni qullikoortorujussuullunilu, siuseraluni, timmilluni, kilalluni, kissarneqarnerminik noqartoarluni allatigulluunniit tuniluuttumik nakorsartariaqartumik nappaateqarsimaguni.

Meeqqat nappaataat tunillannartut pillugit Kaajallaasitaq tunngavigalugu meeqqueriviit nakorsaanermut saaffiginnissinnaatitaapput nappaatit piareersimaffigineqarnissaat siunertaralugu

Meeqquerivinni nakorsaatitortitsisarneq pillugu:

Kaajallaasitaq tunngavigalugu Meeqqueriviup pisussaaffiginngilaa meeqqanut nakorsaatitortunut nakorsaatitortitsinissaaq. Meerarli ajorunnaarsinnaanngitsumik nappaatilik pillugu meeqquerivik nakorsap ilitersuussinera malillugu nakorsaatitortitsisinnaavoq, ajunnginnerpaassaaq meeqquerivimmi sulisup aalajangersimasup nakorsaatitortitsineq isumagisariguniuk.

Erseqqissaatigineqassaaq meeraq napparsimasoq angajoqqaanit aaneqassappat meeqqueriviup naliliinera aalajangiisuusarmat. Meeqqueriviup naliliinera piuaanassaaq, meeqqanut ataasiakkaanut meeqqanullu allanut ilaqutaasunullu nappaatip tuniluutinnginnissaannut akisussaasuummata. Meerarli napparsimasoq angerlarsimaffimmi angajoqqaaniikkuni ajunnginnerpaassaaq.

Meeqqap toqqissilluni inuunissaa angajoqqaat malugisimasariaqarpaat, meeqquerivimmi meeqqanut napparsimannngitsunut naatsorsuussaammat.

Angajoqqaat meeqqat paarineqarnera akisussaaffigissavaat.

Meeqqueriviit sinnerlugit kissaatigaarput, meeqquerivinni sulisut angajoqqaanit paasineqarlumarumaartut meeqqap napparsimalersimaneranit saaffiginnissuteqarnikkut

Naggasiullugu ilisimatitsissutigissavarput, una quppersagaq suliarineqarmat Napparsimavik suleqatigalugu, sapinngisamik meeqqat ataasiakkaat toqqissillutik peroriartornissaat aamma meeqqani paaqqinnittarfinni anguniarneqarmat.

Inussiarnersumik inuulluaqqusilluta

Meeqqueriviit – Meeqqanik paaqqinnittarfiit allaffiat - Napparsimavik